



ნაგვის გასატანი მანქანის გამარტივებული ელექტრონული ტენდერით სახელმწიფო შესყიდვის

34144510 - ნაგვის გასატანი მანქანები

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 121 მუხლის, "გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების საფუძველზე

ქ. ნინოწმინდა
2015 წელი

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების შესაბამისად. ([ob.http://procurement.gov.ge/](http://procurement.gov.ge/))

2. ტექნიკური დოკუმენტაცია

2.1. პრეტენდენტმა სისტემის მეშვეობით უნდა წარმოადგინოს:

ა) რეკვიზიტები, ინფორმაცია საქართველოში არსებული სერვისცენტრის შესახებ. (დანართი 1).

ბ) განფასება (დანართი 2)

გ) მოსაწოდებელ ტექნიკის ტექნიკური მახასიათებლები (მწარმოებლის ოფიციალური მახასიათებლები, როგორც შასიზე ისე დანადგარზე, მარცხსა და მოწლას მიითითებთ) . *(ტექნიკურ მახასიათებლებში თუ რომელიმე გრაფა არ იქნება შევსებული, პრეტენდენტის მიერ წარმოდგენილი დოკუმენტაცია არ განიხილება და მიეცემა დისკვალიფიკაცია ტექნიკური დოკუმენტაციის გამო)*

დ) ინფორმაცია ზოლო 3 წლის განმავლობაში, სახელმწიფო შესყიდვების წესით, არანაკლებ 1 800 000 ლარის ბრუნვით განხორციელებული ნებისმიერი სახის სპეცტექნიკის მოწოდების შესახებ.

3. ტექნიკური დავალება

3.1. ნინოწმინდის მუნიციპალიტეტის (შემდგომში – მუნიციპალიტეტი) მიერ გამოცხადებული გამარტივებული ელექტრონული ტენდერის შესყიდვის ობიექტს წარმოადგენს: ნინოწმინდის მუნიციპალიტეტისთვის 1 ერთეული ნაგავმზიდი (ნაგვის გასატანი) სატვირთო ავტომობილის სახელმწიფო შესყიდვა.

3.2. შესყიდვის ობიექტის აღწერა:

ნინოწმინდის მუნიციპალიტეტისათვის ნაგავმზიდი სატვირთო ავტომობილის შესყიდვა უნდა განხორციელდეს შემდეგი მახასიათებლების გათვალისწინებით: ახალი ნაგავმზიდი სატვირთო ავტომობილი 1 ცალი; გამოშვების წელი: არანაკლებ 2014 წელი, ახალი ექსპლუატაციაში არმყოფი. ავტომობილს უნდა გააჩნდეს ტექნიკური მახასიათებლები არანაკლებ:

- ძრავის ტიპი: ტურბოდირექტი, 3-ბერის წინასწარი გაგრილებით (ინტერქულერიტ)
- ეკოლოგიური სტანდარტი-EVRO 2;
- ცილინდრების რაოდენობა არანაკლებ 4;
- ძრავის მოცულობა: არანაკლებ 4900 სმ3 ;
- გადამზღუდობა: ჰიდრავლიკური გათიშვით;
- გადაცემათა კოლოფი: მექანიკური, გადაცემათა რაოდენობა არანაკლებ 5+1;
- სატვირთო ავტომობილის თვლების ფორმულა არანაკლებ 4X2;
- საბურავის ზომა: არანაკლებ R16;
- საბურავების რაოდენობა:არანაკლებ 6+1;
- დამხმარე სამთო სამუხრუჭე სისტემა;
- დაკიდების სიტემა წინა: მძიმე პირობებზე გათვლილი მრავალფურცლიანი რესორებით და ამორტიზატორებით ;
- დაკიდების სისტემა უკანა: მძიმე პირობებზე გათვლილი მრავალფურცლიანი რესორებით და ამორტიზატორებით;
- ტვირთამწეობა არანაკლებ: 4800 კგ;
- მგზავრთა ადგილების რაოდენობა არანაკლებ 3 ადგილის. (მძღოლის ჩათვლით);
- ელექტროსისტემა: 24 ვოლტი, აკუმულატორი 2 ც. თითო არანაკლებ 68 ა;

ნაგავმზიდი ძარის ტექნიკური მახასიათებლები არანაკლებ:

1. ტევადობა:არანაკლებ 8+1 მ3
 2. ნაგავმეგრები ძარა დამზადებული უნდა იყოს ფოლადის ფურცლებისაგან, სისქით ძირით: არანაკლებ 4მმ. კედლები და ჭერი: არანაკლებ 4მმ.
 3. ძარის კარკასი დამზადებული უნდა იყოს U ან კოლოფის ფორმის ფოლადის პროფილებისაგან, კედლის სისქით არანაკლებ 2 მმ. რომლებიც ქვემოდან ჩადუღებულია C ფორმის ქვეჩარჩოზე კედლის სისქით არანაკლებ 4 მმ, ფოლადის მარკა ST 52. ქვეჩარჩო შასიზე დამაგრებული უნდა იყოს შუალედური ელასტიური ელემენტების მეშვეობით 4. მუშა მოწყობილობის სტრუქტურა: ნიჩაბი, ჩამტვირთავი, რომლებიც ფუნქციონირებენ ჰიდრავლიკური ცილინდრების მეშვეობით; ჰიდრავლიკური სისტემა ფუნქციონირებს ჰიდრავლიკური ტუმბოს მეშვეობით, რომელიც ირთვება გადაცემათა კოლოფზე დამონტაჟებული ძალის ამრთმევი კოლოფის საშუალებით.
 5. ევროსტანდარტის კონტეინერების დამცვლელი სისტემა, მზიდუნარიანობა 120,240,1100 ლ.
- ნაგვის კონტეინერებისათვის.
6. ნაგავმეგრები ძარის ჰიდროსისტემის მართვა უნდა მოხდეს ავტომატურად, კერძოდ:წნეხმა (ციგამ) და ნიჩაბმა სრული ციკლი უნდა შეასრულოს ავტომატურ რეჟიმში. ეს უნდა განხორციელდეს კომბინირებული ელექტროჰიდრავლიკური სისტემის მეშვეობით.
- ძარაზე უკანა მხარეს დამონტაჟებული უნდა ჰქონდეს როგორც დილაკებიანი მართვის ბლოკი ასევე ჰიდრავლიკური ბერკეტები, რომელთა მეშვეობითაც მოხდება ოპერირება. დილაკებით წნეხი იმუშავებს ავტომატურად, ხოლო ჰიდრავლიკური ბერკეტებით მართვა განხორციელდება მექანიკურად.

7. ნაგავშემკრების დაცლა მოხდება მწნეხავი ფილის საშუალებით რომელიც მოქმედებაში მოჰყავს ტელესკოპურ ჰიდრავლიკურ ცილინდრს.
8. უსაფრთხოების საყრდენი ასახდელ ნაწილსა და კორპუსს შორის.
9. სისტემა აღჭურვილი უნდა იყოს ავარიული გათიშვის ღილაკებით.
10. უკანა თვლების ტალახდამცავი ფრთებით
11. რეზინის შრე მუშა მოწყობილობის მთავარსა და ასახდელ ნაწილს შორის, რათა თავიდან იქნეს აცილებული ბინძური წყლების გაჟონვა.
12. მუშა მოწყობილობის უკან ორივე მხარეს სახელურები და ტვირთავი მუშის დასადგომი დასაკეცი ბაქანი;
13. დამცავი სარკველი მუშაობის პროცესში, ასახდელი ნაწილის მოულოდნელად ჩამოვარდნის თავიდან ასაცილებლად;
14. ყვითელი ციმცირა;
15. ნათურა ღამის სამუშაოებისათვის.
16. წნეხის კოეფიციენტი არანაკლებ 5:1
- 17) სასურველია თეთრი ფერის

3.3. შესყიდვის ობიექტის სავარაუდო ღირებულება: 150 000 (ას ორმოცდაათი ათასი) ლარი, სადაც შედის ავტომანქანის შემსყიდველის სახელზე გაფორმების ხარჯებიც.

3.4. დაფინანსების წყარო: 2015 წლის ადგილობრივი ბიუჯეტი.

3.5. მოწოდების ვადა: ხელშეკრულების გაფორმებიდან 45 კალენდარული დღე.

3.6. საგარანტიო სერვისი როგორც ა/მანქანაზე ასევე ნაგავშემკრებ ძარაზე: არანაკლებ 12 თვე, რომლის ათვლა იწყება ავტომანქანის შემსყიდველისთვის ჩაბარების დღიდან.

3. პრეტენდენტს უნდა გააჩნდეს სატვირთო ავტომობილების ან სპეცტექნიკის არანაკლებ 2 სერვისცენტრი საქართველოში.

3.8. მოწოდების ადგილი: ქ. ნინოწმინდა, პუშკინის ქ. 43.

3.9. დამატებითი ინფორმაცია შეგიძლიათ მიიღოთ შემდეგი საკონტაქტო პირისაგან: სატენდერო კომისიის წევრი – შესყიდვების სამსახურის უფროსი – გიორგი ზმოიან, ტელ. 595-300-710, ელ. ფოსტა: g.zmoyan@yahoo.com. მის: ქ. ნინოწმინდა, პუშკინის ქ.43

4. ანგარიშსწორების პირობები:

4.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული ყველა გადასახადის გათვალისწინებით, ასევე სატენდერო წინადადების ღირებულებაში გათვალისწინებული უნდა იყოს ტრანსპორტირება, დაზღვევა და ა.შ. ხარჯები, რომლებიც არ იქნება გათვალისწინებული სატენდერო წინადადებაში, შემსყიდველის მიერ არ ანაზღაურდება.

4.2. ანგარიშსწორება მოხდება უნაღდო ანგარიშსწორებით ლარში. შესყიდვის ობიექტის მიღება-ჩაბარების აქტის გაფორმებიდან **10 სამუშაო დღის** განმავლობაში.

4.5. **იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალი იქნება აღნიშნული ტენდერის შესყიდვის ობიექტის სავარაუდო ღირებულებაზე, შემსყიდველი პრეტენდენტისაგან მოითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა შესაძლებელია დასაბუთდეს ექსპერტიზის დასკვნით, შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშგაქტურით (ინვოისით) ან/და სხვა ისეთი დოკუმენტაციით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას**

5. სახელმწიფო შესყიდვების შესახებ ხელშეკრულების პროექტი

ხელშეკრულება #

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. ხელშეკრულების პირობების საბოლოო ვარიანტი დაზუსტდება და დაიხვეწება ტენდერში გამარჯვებულ პრეტენდენტთან ხელშეკრულების გაფორმების პროცესში.

ქ. ნინოწმინდა

2015 წლის _____

ერთის მხრივ ნინოწმინდის მუნიციპალიტეტი (შემდგომში „შემსყიდველი“) გამგებლის, გაგიკ კარსლიანის სახით და მეორეს მხრივ, _____ (შემდგომში მომწოდებელი), მისი დირექტორის _____ სახით, ვდებთ წინამდებარე ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 “ხელშეკრულება სახელმწიფო შესყიდვის შესახებ” (შემდგომში – “ხელშეკრულება”) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2 “ხელშეკრულების ღირებულება” – ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.3 “შემსყიდველი ორგანიზაცია” (შემდგომში “შემსყიდველი”) – ნიშნავს ორგანიზაციას (დაწესებულებას), რომელიც ახორციელებს შესყიდვას;

1.4 “მიმწოდებელი” – ნიშნავს პირს, რომელმაც მოიპოვა გამარჯვება ტენდერში და ახორციელებს სამუშაოებს სახელმწიფო შესყიდვის შესახებ მოცემული ხელშეკრულების ფარგლებში;

1.5 “დღე”, “კვირა”, “თვე” ნიშნავს კალენდარულ დღეს, კვირას, თვეს.

1.6 „საქონელი” – ხელშეკრულებით გათვალისწინებული საგანი.

1.7. „ტექნიკური დავალება” – სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

2.1. ნიშნავს მუნიციპალიტეტის (შემდგომში – მუნიციპალიტეტი) მიერ გამოცხადებული გამარტივებული ელექტრონული ტენდერის შესყიდვის საგანს წარმოადგენს: **ნაგავმზიდი მანქანის სახელმწიფო შესყიდვა**

2.2. შესყიდვის ობიექტის აღწერა მოცემულია ტექნიკურ დავალებაში.

3. ხელშეკრულების ღირებულება

3.1 ხელშეკრულების ღირებულება შეადგენს ————— ლარს. მომწოდებლის მიერ გაწეული ყველა ხარჯისა და საქართველოს კანონმდებლობით გათვალისწინებული ყველა გადასახადის გათვალისწინებით.

3.2. წინმდებარე ხელშეკრულების ფასის შეცვლა დაუშვებელია გარდა საქართველოს სამოქალაქო კოდექსის 398–ე მუხლით გათვალისწინებული შემთხვევებისა.

4. მხარეთა ვალდებულებები

4.1. „მიმწოდებელი” ვალდებულია:

ა) უზრუნველყოს შესყიდვის ობიექტის მოწოდება შემსყიდველის მოთხოვნისთანავე.

ბ) გადასცეს შემსყიდველს უფლებრივად და ნივთობრივად უნაკლო საქონელი.

გ) უზრუნველყოს ამ ხელშეკრულებით გათვალისწინებული პირობებისა და ვალდებულებების შესრულება დროულად და ხარისხიანად.

4.2. „შემსყიდველი” ვალდებულია:

ა) უზრუნველყოს მომწოდებელი შესყიდვის ობიექტის წინამდებარე ხელშეკრულების პირობებთან შესაბამისობის კონტროლი და დადებითი შეფასების შემთხვევაში მისი მიღება.

ბ) განახორციელოს ამ ხელშეკრულებით ნაკისრი სხვა ვალდებულებები.

5. სტანდარტები

5.1. ხელშეკრულების ფარგლებში მოწოდებული ავტომანქანა უნდა შეესაბამებოდეს ტექნიკურ პირობებში მითითებულ სტანდარტებს.

6. ხელშეკრულების შესრულების კონტროლი

6.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება) მიმწოდებლის მიერ ნაკისრი ვალდებულებების შესრულებაზე, რომლის მიზანია მისი შესაბამისობის დადგენა ხელშეკრულების გათვალისწინებულ პირობებთან და შემსყიდველის მოთხოვნასთან.

6.2. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზის მითითებით.

6.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

6.4. ინსპექტირებას განახორციელებს სახელმწიფო შესყიდვებით გათვალისწინებული ფიზიკურად შესრულებული სამუშაოს, მომსახურების და საქონლის შესყიდვის ინსპექტირების სამუშაო ჯგუფი – რომელიც შექმნილია გამგებლის ბრძანების საფუძველზე.

7. შესყიდვის ობიექტის მიღება-ჩაბარების წესი

7.1 შესყიდვის ობიექტი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.

7.2 მიღება-ჩაბარების აქტი ფორმდება წერილობით, მხარეთა უფლებამოსილი წარმომადგენლების ხელმოწერით.

8.3 შესყიდვის ობიექტის მიღებას აწარმოებს: ნიშნავს მუნიციპალიტეტი

8. ანგარიშსწორება

8.1. ანგარიშსწორება ხორციელდება შემდეგი პირობებით:

ა) ანგარიშსწორების ვალუტა – ლარი)

ბ) ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.2. შემსყიდველი იღებს ვალდებულებას გადაუხადოს მიმწოდებელს შესყიდვის ობიექტის ღირებულება მიღება-ჩაბარების აქტის გაფორმებიდან **10 სამუშაო დღის** განმავლობაში.

9. ხელშეკრულების შესრულების შეფერხება

9.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

9.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

10. ხელშეკრულებაში ცვლილებების შეტანა

10.1. არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

10.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11. ხელშეკრულების პირობების შეუსრულებლობა

11.1. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და არაჯეროვნად შესრულების შემთხვევაში მიმწოდებელს ეკისრება **პირგასამტეხლო 0,1% ყოველ ვადაგადაცილებულ დღეზე.**

11.2. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან. იმ შემთხვევაში თუ დაკისრებული პირგასამტეხლოს ჯამური თანხა გადაჭარბებს ხელშეკრულების **ღირებულების 3 %-ს, შემსყიდველს** აქვს უფლება შეწყვიტოს ხელშეკრულება და მოსთხოვოს მიმწოდებელს შესაბამისი პირგასამტეხლოს ანაზღაურება.

11.3. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის ხელშეკრულების შეწყვეტის შემთხვევაში მიმწოდებელს ეკისრება პირგასამტეხლო ხელშეკრულების საერთო ღირებულების **5 %** ოდენობით.

12. გარანტია

12.1. მიმწოდებელი იძლევა მიწოდებული საქონლის საერთაშორისო სტანდარტებისადმი შესაბამისობის გარანტიას.

12.2. ამ გარანტიის მოქმედების ვადა განისაზღვრება ხელშეკრულების სპეციფიკური პირობებით.

12.3. მიმწოდებელი ვალდებულია შეტყობინების მიღებისთანავე განახორციელოს უხარისხოდ მიწოდებული საქონლის ან მისი ნაწილის გამოსწორება შემსყიდველის მხრიდან რაიმე დამატებითი დანახარჯების გაწევის გარეშე.

12.4. მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

13. სადაო საკითხების გადაწყვეტა

13.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

14. ფორს-მაჟორი

14.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

14.2. ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი

გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

15. ხელშეკრულების შეწყვეტა

15.1. შემსყიდველი უფლებამოსილია შეწყვიტოს წინამდებარე ხელშეკრულება თუ მეორე მხარე ვერ უზრუნველყოფს თავისი ვალდებულებების ჯეროვანად შესრულებას, ან მოქმედი კანონმდებლობით დადგენილ სხვა შემთხვევებში.

15.2. ხელშეკრულება შეიძლება შეწყდეს აგრეთვე მხარეთა წერილობითი შეთანხმების საფუძველზე.

16. ხელშეკრულების ენა

16.1 ხელშეკრულება დაწერილ უნდა იქნეს ქართულ ენაზე. იმ შემთხვევაში თუ ხელშეკრულების მეორე მხარე არის უცხო ქვეყნის წარმომადგენელი მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

17. ხელშეკრულების მოქმედების ვადა

17.1. ხელშეკრულებით გაუთვალისწინებელი სხვა საკითხები რეგულირდება საქართველოს კანონმდებლობით.

17.2. მხარეთა შორის მიმოწერა ხორციელდება ქართულ ენაზე.

17.3. ხელშეკრულება შედგენილია 3 ეგზემპლარად და ოთხივე ეგზემპლარს აქვს თანაბარი იურიდიულ ძალა და ინახება ხელმომწერ მხარეებთან.

17.4. ხელშეკრულება ძალაშია _____.

18. ხარეთა რეკვიზიტები

შემსყიდველი:

მომწოდებელი:

ნინოწმინდის მუნიციპალიტეტი
მის: ქ. ნინოწმინდა, პუშკინის ქ 43
ს/ს „ლიბერთი ბანკის“ ნინოწმინდის ფილიალი
ბანკის კოდი LBRTGE22
ა/ნ GE51LB0120146252122000
ს/კოდი 236689669

გ. კარსლიან

პრეტენდენტის რეკვიზიტები:

1. პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშის ნომერი:

2. ინფორმაცია საქართველოში არსებული სერვისცენტრის შესახებ.

პრეტენდენტი: _____
(ხელისმოწერა და ბეჭედი)

განფასება

პრეტენდენტი _____

#	საქონლის დასახელება მოდელი	საქონლის ძირითადი მახასიათებლები	წარმოშობის ქვეყანა, კომპანია	რაოდენობა	ფასი	მოწოდების ვადა და მოწოდების ადგილი
						ხელშეკრულების გაფორმებიდან 45 კალენდარული დღე, ქ. ნინოწმინდა, პუშკინის ქ.43.

თუ ტექნიკურ მახასიათებლებში რომელიმე გრაფა არ იქნება შევსებული, პრეტენდენტის მიერ წარმოდგენილი დოკუმენტაცია არ განიხილება და მიეცემა დისკვალიფიკაცია ტექნიკური დოკუმენტაციის გამო.

(ხელმოწერა, ბეჭედი) _____